

ձիբ.

Մանիր Հ. Զաքարիայ վարդապետ, զի ողորմութեամբն Աստուծոյ յաջողութեամբ կաթուղիկէն զանգակատան մերոյ կատարեցաւ, և ընդ ամէնն զնաց 8000 լիբէ արծիճ: Եւ այժմ մերձ են և զծեփն եզերելոյ: Եւ զկնի ոմանց աւուրց բերելոց են և զզանգակոսն: Ի բերանս ամենեցուն շրջի զանգակատունն մեր և զանգակքն ամենեքեան. զարմանան, և ամենեքեան զովեն. և զրեթէ ոչ ոք յագի տեսանելով: Եւ զայս ամենայն զրեցի որպէս զի ծանուսցես և Պետրոս աղային և Յարութիւն աղային: (Մեղգոնեան Արքանայր առ Հ. Զաքարիա, 1750 Յուլիս 14. [վեկնտիկ]):

ձիգ.

Զզանգակատունն յաջողելով տեառն, ամենայն վայելչութեամբ կատարեցաք, և զանգակս երիս նորս մեծամեծս կախեցաք ի նմա, քաղցրաձայնս յոյժ, որպիսի սակաւ գտանի ի քաղաքիս: (Մեղգոնեան Արք. 1750 Օգոստ. 8. [վեկնտիկ]):

ձիդ.

Ասի, թէ նաև յակոբ վարդապետն նալօղլին պատրիարքն մեռեալ է յերուսաղէմ: Գարձեալ ծանուցանեմ և զայս, զի զպատկեր լուսաւորեալ հոգի Աբբայճօր մերոյ բերեալ այտի եղեալ են օր մի ի բակն հայոց պատրիարքական եկեղեցւոյն սուրբ աստուածածնին. և տեսանօղքն եկին պատմեցին. և իբրև ցուցաք զայն, զոր Գերլարգութիւնդ առաքեցեր զօֆճի սարգիս աղային, ասացին, թէ ըստ ամենայնի այսպէս էր: Եւ դեռ գնեցոց են ի վաճառողէն, և ոչ զիտեմ ուր գետեղելոց են: (Հ. Զաքարիա վրդպտ. առ Մեղգոնեան, 1750 Սեպտ. 11. [Պոլիս]):

ձիե.

Յունիսի ամիսն եկին տեղս մին քահանայ կրօնաւոր լիբանանու վանքէն և ընդ նմայ ոմն հալէպցի քուրճի գրիգոր և այլ իմն ճէզվիթ, առ ի հաստատութիւն ընկալնուլ Սուրբ Աթոռէն նոր ուղղափառ Պատրիարքին¹ (որպէս ընկալան զինդիրս իւրեանց): (Պատկերաձև Յովնանեան առ Մեղգոնեան, 1750 հոկտ. 3. Ալպա):

ձիզ.

Թագաւորն եասախ արար, ոչ ոք խաղող առեալ կարիցէ դնել ի տան իւրում զգինի, այլ ի դուրսէ եկեալ նաւուցն գնիցեն, որոց պէտք է: (Հ. Միք. վ. առ Մեղգոնեան, 1750 Հոկտ. 20. [Պոլիս]):

ձիկ.

Լիբանանու նոր Պատրիարքին² կողմանէ մին ճէզվիթ, մին հաբեղայ և մին հալէպցի աշխարհական եկեալ էին առ ի հաստատութիւն խնդրել սուրբ գահէն, որպէս նոյն ճէզվիթ[ի] ձեռօք

1. Որ է Յակոբ Բ. Պետրոս Բ. Պատրիարքը.

2. Նոյն.